



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

XVIII. Epistola Episcopi Halberstatensi ad S. Othonem.

urn:nbn:de:hbz:466:1-41527

scopus Otho, præter publicum atque constitutum antiquitus Imperatoriae
 Maieſtati, quod Aulicis etiam importunius exigebatur seruitium. Ab ipsis
 deniq; Pater idem notabatur rarius quam ceteri præſules Palatium viſi-
 tare; ipse verò Monasteriis conſtituendis & reſtaurandis, eleemoſynis diſſe-
 ſandis, orationibus inuigilādus, cæterisq; tam practica, quam theoretica ſtu-
 diū inſinuandū ſe maluit occupare. Nec deerant, qui id inuidiæ cauſſa
 muſitantes publicis potius functionibus impendendum iudicārēt; ſicq; Cæ-
 ſaris animoſitatem contra virum Dei commouere tentarent. Sed quia Do-
 minus cuſtodit omnes diligentes ſe, & vias peccatorum diſperdit, iſte rebus
 tranſitoriis pro tempore non parcens, miro modo, quamuis vndiq; regiones
 ſtringente penuria, ſufficienter omnibus miniſtrando bonitate malitiam
 vici, non ſicta charitatis officiis, totius in ſe Regni beneuolum affectum com-
 meruit. Hæc Viſpergenſis. Non ſemper tamen publicis abſti-
 nuit. Nam Anno M. C. V. cum cæteris Romam legatus miſſus
 eſt pro Henrico V. contra Henricum IV. Et Anno M. C. XXI.
 tranſactioni Catholicorum & ſchiſmaticorum ad Mogūtiā
 interfuit: & ad Principes Noricos tranſactionis indicandæ
 cauſſa legatus abiit. Et tandem pacē inter Eccleſiam & Impe-
 rium Anno M. C. XXII. in ſtam chirographo ſuo confirmauit.

XVIII.

*Epistola Episcopi Halberſtatenſi ad
 S. Othonem.*



TOTI, Domno ſuo Venerabili ſanctæ Baben-
 bergenſis Eccleſiæ Pontifici * N. per miſericordiā
 Dei Halverſtatēſis Eccleſiæ [Episcopus] ſi quid eſt,
 quotidianum laudabilis vitæ incrementum. Si re-
 rum veſtrarum ſtatus proſperitate fruitur, ſi condignè morū
 ac vitæ compositioni concordat, vobis, vt decet, congaude-
 mus: ſi non; condolemus. quia id ipſum de fidelitatis veſtræ
 excellentia ſperamus, & certum habemus. Si ergò rerum no-
 ſtrarum ſtatum ſcire cupitis, vt amico, cui maximè confi-
 dimus, cui fluctuantis noſtræ anchoram, ingruente tempeſtate,
 inſtigimus, vt amico inquam, quem poſt Deum vnicum ac cer-
 tiſſi-

* Videtur leg.
 O. ſi ſit Orbo,
 de quo Cræcius
 lib. 6. Metropol.
 cap. 11. de quo
 Epiſt. ſeq. Ho-
 norius Poſſen.

Oo

ctissimum imbecillitatis nostræ sustentaculum esse, non diffidimus, dilectioni vestræ intimamus. De proxima ista, quam nostris, expeditione, in qua ob honorem regni & Ecclesiæ diligentius cæteris laborauimus, reuersi, domi vbi pacem & concordiam, vbi tranquillitatem & recreationem inuenire debuimus, odium & discordiam, schismata & intestina bella, peccato heu nostro exigente, inuenimus. Aduersarij enim nostri N. & N. Ecclesiæ nostræ Canonici, qui & prius nobis aduersabatur, quibusdam solitæ fraudis industria collectis, inter quos N. nominatissimus, & quasi primicerius, iterum in nos insurrexerunt, cleroque conuocato, lacrymabilia & inaudita crimina, quæ, Deo teste, nunquam commisimus, in faciem nobis obiecerunt; inter quæ, electionem nostram non fuisse Canonicam ideoque & consecrationem nostram asserunt esse irritas, insuper quoque & simoniam nescio quam N. nobis imponit, quam se Canonica auctoritate statuto tempore probaturum asserit.

Nos ergo tanta, tamque inaudita infamatione percussus, Moguntinæ sedis Archiepiscopo rem omnem scriptis aperuimus, huiusque rei consilium, & auxilium quæsiuimus. Qui literis ad Ecclesiam nostram directis, omnimodis nos excusauit, electionemque nostram iustam & Canonicam fuisse comprobans, criminatores nostros reconciliari nobis condigna satisfactione præcepit. Illi verò obstinationi suæ iussa Archiepiscopi postponentes, nec non & Magdeburgensis Archiepiscopi, qui ad sedandam hanc motionem regio iussu aduenit, monita spernentes, adhuc in conspirationis suæ recordia persistunt. Quapropter aram misericordiæ vestræ amplectentes ad vos confugimus, debitumque clementiæ vestræ auxilium humiliter imploramus. Quidquid enim alij faciant, vestrum est ex gemino charitatis vinculo nobis assistere, labantesque brachio virtutis vestræ sustentare. Proinde rogamus quatenus literas vestras ad Metropolitanum dirigatis, & vt in causa nostra diligens esse velit, causa vestri efflagitetis. Rogamus quoque, vt vbiunque Concilium pro huius rei discussione conuocetur, vos adesse velitis.